

Месяца марта в 6-й день  
и месяца мая в 29-й день (обретение мощей)  
Преподобнаго Иова Анзерскаго

На велицей вечерни

На Господи, возвах: стихирьы, глас 1:

Отче достоблаженне Иове,/ ты, страстем Христовым покланяся,/ безстрастием душу украсил еси,/ силою же Божественною окривляемь,/ на высоту добродетелей возлетел еси/ и бесплотных собеседник любезнейший явился еси./ С нимиже ныне, предстоя Престолу Всевышняго Царя,/ моли спастися душам нашим.

Отче преподобне Иове,/ ты, изгнание правды ради претерпев,/ пустынным и постническим житием Царю Небесному угодил еси/ и преподобных сословия сокровище многоценное явился еси,/ безмолвия добрый рачителю,/ чистоты усердный хранителю,/ Господень тайный собеседниче/ и дерзновенный о нас к Тому молитвенниче.

Отче преблаженне Иове,/ нестяжание возлюбив и вся имения тленная оставив,/ Христа ради обнищал еси,/ Иже обогати ты дарованием Духа Святаго/ и в Царствии Своем со святыми прослави./ Темже, припадающе твоей благодати, умильно просим,/ моли и нам сонаследником жизни вечныя быти.

От жизни временныя к жизни вечней переходя,/ утешал еси братию, преподобне:/ разлучаяся с вами телесне,/ духом присно с вами пребуду,/ мир имейте в сердцах ваших,/ в послушании своем богоугодно быну пребывайте,/ никогдаже места сего самовольне отлучающесея,/ любви ради ко Христу и ко братии по Бозе.

Слава, глас 8:

Днесь сошедшеся, братие,/ восхвалим преподобнаго отца,/ достоблаженнаго Иова,/ иже, в подвизах постнических просияв/ и Господу Иисусу сораспявсая,/ житие свое богоугодне скончал./ Темже, досточудне отче,/ велие дерзновение имея ко Святей Троице,/ моли помилватися душам нашим.

И ныне, Богородичен: Царь Небесный:

Вход. Прокимен дне. Чтения три преподобническая.

На литии стихирьы, глас 4:

Преплаженне отче Иове,/ ты, от юности безмолвие возлюбив,/ в мире яко в пустыни пожил еси,/ тем и Господь ты от царских удолий возьм,/ во обитель Соловецкую пресели/ и во отце Анзерстем пристанище тихое ти дарова./ Идеже, усердно Богу поработав,/ очи твоя духовная просветил еси/ и, потоки слезными душу омыв,/ во

обители Небесныя путь себе уготовал еси./ Ныне же, предстоя Престолу Царя Славы,/ моли помиловаться душам нашим.

**Источник воды, текущая в жизнь вечную,/ обилен в тебе явися, отче Йове,/ благодать бо Духа неоскудно источал еси,/ темже и источник воды на потребу обители у Бога испросил еси,/ Иже праведнаго ради жития твоего/ и многия иныя щедроты пустыни твоей дарова./ Сего ради молим тя, преподобне:/ источи и нам сицевую воду,/ от неяже, пиюще, улучим живот вечный.**

**Слава, глас тойже:**

Служителю Божественных Таин благоговейный,/ ты, с трепетом предстоя Престолу Господню,/ в Небесныя кровы духом простирался еси,/ мы же, зряще Христа, священнодействующа в тебе,/ усердно ныне просим тя:/ помози и нам, отче преподобне Йове,/ достойно Христовых Таин причащаться/ и Царствия Небеснаго достигнути.

**И ныне, Богородичен: Призри на моления:**

**На стиховне стихире, глас 2:**

**Яко луч Света Истиннаго,/ возсиял еси, отче, в безмолвней пустыни,/ прославив ю Божественною славою,/ тем и от Господа приял еси славу неувядаемую.**

**Стих: Честна пред Господем/ смерть преподобных Его.**

**Данный ти талант приумножив,/ плод сториичный Господеву принесл еси,/ Иже освятити тя преподобием и правдою,/ и Духа Святаго жилище сотвори.**

**Стих: Блажен муж бояйся Господа,/ в заповедех Его восхощет зело.**

**Оружием Божиим вооружився,/ вся козни вражия сокрушил еси,/ гневом праведным возненавидев вся злая,/ совершенною любовию просветился еси.**

**Слава, глас 6:**

**Радуйся, обители Соловецкая,/ радуйся, пустыне Анзерская,/ имущи драгоценнаго бисера,/ просвещающаго лики иноческия,/ прими источника чистоты духовныя,/ изливающагося неоскудно,/ воспой светильника веры и разума,/ преподобнаго отца нашего Йова,/ пастыря добраго и учителя,/ и молитвенника о душах наших.**

**И ныне, Богородичен: Творец и Избавитель:**

**Тропарь, глас 5:**

**Безмолвия истинный рачитель быв,/ в пустыню во отце Анзерстем вселился еси,/ преподобне отче Йове,/ Страстем же Господним усердне поклоняяся,/ имя Иисусово в сердце непрестанно**

носил еси,/ пустынножителей мудрый наставниче,/ моли Христа Бога спастися душам нашим.

### На утрени

На Бог Господь: тропарь преподобного, дважды. Слава, и ныне, Богородичен: Радуйся, Двере Господня непроходима:

#### По 1-м стихословии седален, глас 2:

Селения Небесная зело возлюбив, преподобне отче,/ хлебом слезным на всяк день питался еси/ и, заповеди Господни ревностне исполняя,/ хлеб нуждающимся милостивно раздавал еси./ Сего ради молим тя,/ да и мы, твоим заветом последующе,/ покаянию поревнуем и милосердие возлюбим.

#### Слава, и ныне, Богородичен, глас тойже:

Возжелё Царь царей доброты Твоея, Пречистая,/ всякия бо святыни вместилище явилася еси,/ Девствующая Мати Христа Бога нашего./ Молися о нас к Рождшемуся из Тебё,/ да во пристанище благоотышное управит души наша/ и, милосердствуя, подаст грехов прощение.

#### По 2-м стихословии седален, глас 4:

На Господа уповая,/ всякия печали пучину преплыл еси/ и, мертв бывая мятежу мирских страстей,/ жизнь вечную унаследовал еси./ Сподоби и нас, преподобне, в тяготах и скорбех не стужати си,/ но разумети я полезны быти ко спасению.

#### Слава, и ныне, Богородичен, глас тойже:

Преславная глаголашася о Тебё, Богородице, Премудрости Божия Сокровище Дивное,/ управи премудро стопы наша в законе Господни,/ бурю помышлений устави,/ сердца мятеж укроти/ и надеждою радости вечныя просвети души наша.

#### По полиелёи седален, глас 5:

Путь прискорбный возлюбив,/ преподобнически подвизался еси, досточудне отче Йове,/ и, упование непоколеблемо на Господа возложив,/ радость вечную наследовал еси./ По праведному житию твоему честна кончина твоя бысть/ и со святыми водворение.

#### Слава, и ныне, Богородичен, глас тойже:

Мати Божия, Владычице,/ Рождеством Твоим освятившая род человеческий,/ сиянием Небесных Твоея славы осияй нас/ и, теплотою Божественных Любве согревающи,/ души наша храмы Божии соделай.

Степенна, 1-й антифон 4-го гласа. Прокимен, глас 4: Честна пред Господем/ смерть преподобных Его. Стих: Что воздам Господеву о всех, яже воздаде ми? Всякое дыхание: Евангелие от Матфея, зачало 43.

#### По 50-м псалме стихира, глас 6:

Преподобне отче,/ сердце твое храм Духу Владычню уготовав,/ глаголом Господним неусыпно внимал еси/ и, смирением и кротостию украсився,/ в послушание Божие себе повинул еси,/ темже моли о нас Преплагаго Бога,/ Егоже возлюби душа твоя,/ да отверзет нам двери покаяния/ и спасет души наша.

#### Канон, глас 4.

##### Песнь 1

*Ирмос: Моря чермную пучину/ невлажными стопами/ древний пешешествовав Израиль,/ крестообразными Моисеовыми руками/ Амаликову силу в пустыни победил есть.*

Иове преподобне,/ пролей молитву твою ко Христу Богу,/ да сподобит мя, недостойного, песнь хвалебную тебе воспети/ и подвиги твоя достойно прославити.

От юности Бога возлюбив, блаженне,/ до конца Тому поработал еси/ и, благодатию Того обогатився,/ многия духовныя дары приходящим раздавал еси.

Видя Господь от младенства ревность твою,/ чина иерейскаго удостои тя, преподобне,/ и пастве твоей во спасение дарова,/ яко служителя благоговейна и молитвенника тепла.

**Богородичен:** Не имея словесе достойного прославити Тя, Богородице,/ ни разума воспети Тя, Владычице,/ но токмо в скорбех усердно вопию Ти:/ избави мя работы вражия/ и в немощи моей Помощница ми буди.

##### Песнь 3

*Ирмос: Веселится о Тебе Церковь Твоя, Христе, зовущи:/ Ты моя Крепость, Господи,/ и Прибежище, и Утверждение.*

Еще сый в мире,/ постническому житию, молитве и богомыслию прилежал еси, досточудне,/ целомудрием же украшен,/ чистотою души твоея Богу приблизился еси./ Моли Того усердно, всякия скверны нам избавитися.

Благодать смирением и верою стяжав,/ тишину и радость души твоей обрел еси/ и, благодарение вознося Царю Небесному,/ от силы в силу восходил еси, преподобне.

Пением благолепным Господа прославляя,/ многия люди сладким гласом твоим во умиление приводил еси, Иове преблаженне,/ и, усердне божественную службу совершая,/ теплыя молитвы за паству твою возносил еси.

**Богородичен:** Мати Божия Пречистая,/ преподобным Похвало и Утверждение,/ душ святых Невестокрасительнице Славная,/ моли со

преподобным Йовом Сына Твоего, Христа Бога нашего,/ всякия греховныя скверны нам совлещися/ и слезами покаяния омытися.

### Седáлен, глас 2:

Земная оставль, Небесная обрел еси,/ плотию обложен, безплотным подобился еси, святе Йове,/ Божественным же духом просвещен,/ сердца человекóв прозревал еси./ Ныне, яко звезда, сияеши на Небеси и зриши славу Святыя Троицы,/ Юже моли, преподобне,/ да исцелит немощи наша/ и сподобит Царствия Своего.

### Слáва, и ны́не, Богорóдичен:

Истаявает сердце мое, Пречистая,/ тщашееся воспети непостижную тайну Рождества Твоего,/ Слово бо Отчее несказанно во утробу Твою вместила еси,/ и Мати спасения явилася еси нам.

### Песнь 4

*Ирмос: Вознесена Ты видевши Церковь на Кресте,/ Солнце Праведное,/ ста в чине своем,/ достойно зывающе:/ слава силе Твоей, Господи.*

Моли́твенниче пла́менный, та́йный с Богом собесéдниче/ и Духа Божественнаго соприча́стниче, преподобне óтче Йове!/ Ты, слезами лице сове орошая,/ из глубины сердечныя зывал еси: Господи, помилуй мя!/ Испроси и нам твоёю моли́твою благодать Его́ и мило́сть.

Любве́ Христовы исполнено бе чистое сердце твоё, досточудне,/ ближняя твоя паче себе возлюбивый,/ злобы чужд быв и мщениа,/ благодеянии многими людем угождал еси,/ радуяся о всякой души христиа́нстей.

Не оскуде десница твоя, пита́вшая алчущих,/ ниже преста по́мощь твоя страждущим и обременённым,/ слово твое благодатное малодушным веры утверждение бысть,/ всем бо подавал еси, óтче, душепо́лезная.

**Богорóдичен:** К Тебе́ простираю́ рúце мой, Предста́тельнице всем христиа́ном,/ и из глубины́ зываю:/ утэши мя в печáли моёй,/ мучи́тельства страстéй избáви,/ Светом Божественным мрак души́ моея́ просвети/ и прегрешéния моя прости́ ми, Мати́ Дéво.

### Песнь 5

*Ирмос: Ты, Господи мой,/ Свет в мир пришёл еси,/ Свет Святы́й, обраща́яй из мра́чна невéдения/ véрою воспевáющая́ Тя.*

Уведев царь земный доброту твою́ духовную, óтче Йове,/ избра́ ты наставника себе,/ му́дростию твоёю назидаяся,/ ты же со смире́нием

царское повеление приём,/ сырых и убогих попечением своим не оставил еси,/ в простоте сердца служение своё совершая.

**Царю Небесному** зело чёстен друг явился еси, преподобне,/ Той бо, яко злато в горниле, очисти ты испытании крепкими./ За словеса Господня верою твердою сохранил еси пути жестоки, отче,/ исполняяся благих преизобильно.

**Завистию** вражиею,/ унижен был еси клеветою человеческою, Йове,/ изгнан бо от отеческаго града быв,/ во стране полунощней обрел еси пристанище/ во обитель иноческую преселился.

**Богородичен:** От юности моя Господа грехопадению прогневах,/ не имам дерзновения к Тому, дел бо, достойных покаяния, не сотворих,/ обаче Едину Тебе стяжах Споручницу спасения моего, Пренепорочная,/ Ты в тесноте и скорби помози ми,/ да скорби временныя приемля в житий моём,/ мучения вечнаго избегну.

### Песнь 6

**Ирмос:** *Пожру Ти со гласом хваления, Господи,/ Церковь вопиет Ти,/ от бесовския крове очищися/ ради милости от ребр Твоих/ истекшею Кровию.*

Егда вселился еси в киновию, отче Йове,/ постническим житием братию удивил еси,/ игу Христову смиренно подклоняясь,/ темже Христос ризою радования украси ты,/ путь преподобия и кончину честну ти уготовляя.

Словеси Господню неустанно поучашеся сердце твоё чистое,/ Духом бо Святым душа твоя присно жива бе,/ благодать смирением стяжал еси, премудре,/ Царству Божию, ещё на земли сый, яко небожитель приобщаяся.

Безмолвия чаяше душа твоя, блаженне, и Богу предстояния несмущаемаго./ Сего ради во оток Анзерский вселился еси,/ идеже предтеча твой, Елеазар богомудрый, первоначальник скитский,/ вдохновенныя Богу молитвы принося,/ дарами божественныя благодати пустыню освятил есть.

**Богородичен:** Пучину беззаконий моих в пучине милосердия Твоего потопи, Пречистая,/ бурю страстей моих разгоняющи,/ и на стези покаяния настави мя.

### Кондак, глас 8:

Божественная восхождения в сердце стяжав,/ ихже ради многи скорби претерпел еси,/ пристанище обрел еси в морстем отце,/ преподобнаго Елеазара приемник заветов быв,/ Покровом Божия Матере осеняемь,/ достоблаженне отче Йове,/ поминай нас чтущих святую память твою.

### Икос:

От юности избранник Божий явился еси, / и Того путем последовал еси невозбранно, / гонения, поношения и скорби не поколебаша тя, преподобне, / верую Христовою окривляема. / Темже от царских чертогов отвержен быв, / во обитель Соловецкую преселение яко от Десницы Божия восприял еси, / устремился еси к пустынному отоку Анзерскому, / идеже дух твой, безмолвия чая, желаемое обрете. / таможе и повеление Божия Матере прием, / обитель Распятию Сына Ея, Христа Бога нашего, воздвигл еси. / Сего ради подвиг любве и милосердия в подражание Господу до конца исполнивый, / во обителях Божественных Любве ныне пребываеши, / достолаженне отче Йове, поминай нас чтущих святую память твою.

### Песнь 7

*Ирмос: В пеци авраамстии отроцы персидстей, / любовию благочестия паче, / нежели пламенем, опаляеми, взываху: / благословен еси в храме славы Твоея, Господи.*

Скитскаго жития начальник явился еси, преподобне отче Йове, / в добродетелех иноков наставляя, / наипаче святое послушание блюсти увещая: / И тако отеческою любовию чад духовных окормлял еси, / попечением о пастве твоей завет Христов исполняяй.

Покаяния проповедниче и Царствия Небеснаго наследниче! / Ты, на кончину жития своего и на час Страшнаго суда взирая, / сокрушенные молитвы Распятому за ны возносил еси, / смиренными слезами душу омываяй.

Служению людем паче прежняго посвятил еси себе, преподобне, / попечению о болящих вельми прилежав, / на раны их елей возливая, любовию Христовою недуги целил еси. / Темже и мы, греховными язвами уранени, / во благовременную помощь тя призываем.

**Богородичен:** Напастми лютыми боримь, и стрелы вражиими уязвляемь, / во гноищи грехов моих лежу, стений, / но Ты, Владычице, терпение мое и упование, / от волн безмерных искушений изми мя / и во страданиях подаждь ми утешение.

### Песнь 8

*Ирмос: Руце распростер, Даниил / львов зияния в рове затче; / огненную же силу угасиша, / добродетелию препоясавиися, / благочестия рачители отроцы, взывающе: / благословите, вся дела Господня, Господа.*

Духом приобщаяся Страданием Господним, / постом и бдением молитвенным плоть свою удручал еси, преподобне, / и сердце всеночными молении усовершал еси, / оком же приснободренным



тайны Божественныя созерца́я, Ду́ху Свято́му обитель непорочно́ себе сотворил еси.

**Вострепета́** душа́ тво́я свята́я, и возра́довашася смире́нныя ко́сти тво́я, блаже́нне,/ егда́ Влады́чица Всепета́я в видении́ яви́ся ти вку́пе с Елеза́ром чу́дным,/ повелева́ющи обитель Распя́тию Сы́на Ея́, Христа́ Бо́га на́шего, воздвигну́ти/ и спаси́тельныя Стра́сти Его́ всече́стно просла́вити.

**Другая** Голго́фа гора́ нарече́ся,/ иде́же юдо́ль послéдняя земна́го по́прища тво́его бы́сть, Йо́ве премудре́,/ сия́ бо труды́ усер́дными тво́ими и воздыха́нии слéзными,/ попече́нием Пресвяты́я Богоро́дицы храни́ма,/ во всякой святи́ни и правде процвела́ есть.

**Богоро́дичен:** Жезл си́лы стяжа́вше, Крест Сы́на Тво́его, Богоро́дице,/ тем низлага́ем вра́жия шата́ния,/ любо́вию Тя непреста́нно велича́ющихи.

### Песнь 9

**Ирмо́с:** *Ка́мень неруко́сечный/ от несекóмыя горы́, Тебе́, Де́во,/ краеуго́льный отсече́ся,/ Христо́с, совокупи́вый разстоя́щая естества́./ Тем, веселя́щаяся, Тя, Богоро́дице, велича́ем.*

**Благоче́стнаго жити́я тво́его, о́тче, ра́ди,/ исто́чник воды́** преизоби́лен даде́ся на потре́бу обители́ тво́ей от Пресвяты́я Богоро́дицы,/ купно́ же и дар прозре́ния и недуго́в исцеле́ния тебе́ от Бо́га дан бы́сть./ Темже молим́ тя: исцели́ немо́щи на́ша душевны́я вку́пе и телесны́я.

**Любо́вию Христо́вою испо́лнено бы́сть се́рдце твоё́, преподо́бне Йо́ве,/ ёю́же вѣну́ мудро́ врачевал еси́ поро́ки людстии./ Егда́ бо татие приидо́ша восхитити́ плоды́ трудо́в бра́тских, и Бо́гом нака́зани бы́ша,/ Того́ умолив, разре́шение им испроси́л еси́,/ и трудо́м пока́йным на путь пра́веднаго жити́я наста́вил еси́ я́.**

**Во гла́се ра́дования а́нгельскаго прехо́ждаше душа́ тво́я, блаже́нне, от обители́ земны́я во обители́ Вечны́я,/ вся́ бо испо́лнил еси́ от Го́спода ти повеле́нная,/ нико́гдаже Во́ли Его́ преслу́шав./ И ны́не предсто́я Престо́лу Всесвяты́я Тро́ицы, вку́пе с новому́ченики Соловецкими,/ возно́си о нас моле́ния усер́дно.**

**Богоро́дичен:** Я́ко исправи́ла еси́ прежде́ расслабленна́го,/ тако́ и нас, душо́ю и телом́ расслабленны́х, теплым́ Тво́им предста́тельством исправи́,/ да по́ем присно́ вели́чия Твоя́.

### Свети́лен:

**Свети́льниче, Ду́хом Святым́ возжже́нный,/ в по́двизех сла́вных по́жил еси́, о́тче, миру́ светя́,/ прича́стники Све́та Божественно́го учени́ки тво́я сотворя́я,/ моли́, преподо́бне, Светода́теля Го́спода/ тмы́**



греха и неведения нам избежати,/ и во светлостех повелений Господних ходити.

**Слава, и ныне, Богородичен:**

**Мати** Света Невечерняго,/ Светило светозарнаго сияния,/ Боговедения светом сердечная очса наша просвети,/ да имуще светильники присно горящия,/ уготовим себе в сретение Жениху Христу,/ Иже мрака ношнаго нас избавит,/ день незаходимый нам дарует,/ и сыны Света Своего сотворит.

**На хвалитех стихиры, глас 4:**

**Кий** язык изрещи возможет подвиги твоя, преподобне,/ воздержанием бо тело твоё увядил еси,/ житием же словом, любовью и духом,/ верою и чистотою сердечною,/ всякия добродетели вид исправил еси/ и душу твою за други полагал еси./ Темже молим тя:/ греховную прелесть от сердец наших отжени / и в любви Господни нас утверди.

**Отче** преподобне Йове,/ Духа Святаго сосуде избранный,/ ты, Божественная любовь сладостию уязвлен,/ посещения Божия Матере сподобился еси,/ Яже повеле ти обитель иноческую создати/ на прославление вольных страсти Христа и Бога нашего,/ спасения нашего ради распеншагося/ и Воскресение нам даровавшего.

**Гора**, яже прежде имене не имущая,/ славою неувядаемою увенчана/ и вторая Голгофа от Матере Божия наречена/ страданий ради вольных Сына Ея, Спаса нашего,/ и мученик ради, где в последняя времена возсиявших./ Сего ради радуются вернии и праздник составляют, вопиюще Христу Богу:/ мучеников похвала и победа Ты еси, Всесильне.

**Смертный** час во уме и сердце присно созерцая/ и день Судный памяствуя,/ болезненно воздыхал еси, отче,/ и покаянными слезами душу твою омывал еси./ Темже сподоби и нас плачем о гресех своих/ милость Божию стяжати/ и безпреткновенно в Царство Небесное внити.

**Слава, глас 8:**

**Предавая** чистую душу твою в руке Божия,/ умиленно взывал еси, отче:/ прими, Преблагий Господи, в мире дух раба Твоего,/ от младенства Тебе единого возжелавшаго/ и воли Твоей вину чаявшаго./ Рабов же Твоих, ихже во едино стадо где собрал еси,/ в послушании и всяком доброделании настави/ и в мире и единомыслии сохрани.

**И ныне, Богородичен, глас тойже:**

**Болезни** души моея исцели, Пренепорочная,/ силу на вражие ополчение ми даруй,/ мою нечистоту Твоею святынею очисти,/

моления слезная моя ко Господу направи,/ и о души моей пред Ним  
Предстательница буди.

**На Литургии**  
**Служба вся преподобническая.**  
**Молитва**

**О** преподобне и богоносне отче наш Йове! Пустыни Анзерския безмолвный обитателю, обетов монашеских истинный ревнителю, ангелов любезный собеседниче, иноков по Бозе верный наставниче! Чудно житие твое, неисчислими подвизи твои, велие пред Богом дерзновение твое! Молим тя, избранниче Христов, посети немощствующия души наша, простри о нас теплую к Богу молитву твою, огради заступлением твоим обитель, тебе во изгнании приемшую и на безмолвие тебе подвижную. Ты неустанно в покаянном плачи пребывавый, помози нам, погибающим в нечувствии и окаянстве, твоим благодатным предстательством отвергнуться всякия греховныя скверны и плоды истиннаго покаяния Господу принести. Ты, красивый собою сонм иноков соловецких, украси наше скудное житие, призывая на нас благословение Божие, да оставивше вся долу влекущая, обратим мысленная очеса наша к Богу и истинных Небесных благ насладимся. О, досточудне Йове, во смирении твоём возвеличивыйся и нищетою твоею обогативыйся! Умоли Христа Бога смирением души наша украсити, оскудевшая сердца наша Небесными дарованиями исполнити. Сподоби нас нищету Христову возлюбити и стяжания Единого Духа Святаго в сердце своём присно желати. Ты, до конца заповедь Божию о любви исполнивый, недугующим и страждущим со усердием вину служивый и велию любовь к людем до последнего издыхания в сердце носивый, научи и нас сей вящей добродетели, да излиет Господь, яко от приснотекущаго источника в обнищавшая сердца наша, капли Божественнаго мира Своея Божественныя любви.

Ей, достоблаженне Йове, молитвенниче к Богу усерднейший и благоприятнейший, глубиною сердечною сокровенныя тайны Божия созерцати сподобивыйся, научи нас теплая и сокрушенная моления к Тому простирати, Имя Его Сладчайшее в сердце присно благодарно хранити.

Молим тя, преблагий отче, богоугоднаго жития твоего ради сподобившагося посещения Матере Божия, и повеление обитель Распятю Христа Бога создати от Нея приемшаго, испроси нам твоею благомощною молитвою Тоя теплое заступление и покров. Не

отлучайся нас, раб твоих, верою тебе молящихся и во благовременную помощь ты призывающих. Моли за Церковь нашу и за обители святые сия, да процветает в них святыня Господня, да не умолкает в земли нашей глас воспевающих Бога, Ему же подобает слава, честь и поклонение во веки веков. **Аминь.**

#### **И́на моли́тва**

**О,** преподобне отче Йове, представителю наш к Богу неусыпный, молитвенниче о душах наших дерзновенный, пустыни Анзерския красото пресветлая, обители Распятския сила духовная! Многими труды ты, Богу потрудившагося и к лику иноческому приобщившагося, сподоби Пресвятая Богородица спасительным Страстем Христовым послужити, гору безмолвну, юже нарече Голгофа, иноки населити. Она же процветет чудными подвиги и постническим житием твоим и ученик твоих, и благодать почи на ней, и слава Небесная озари ю. После же паки оправдися имя горе сей за множество zde претерпевших гонения и смерть веры Христовы и правды ради, и слава новомучеников осия твою обитель, яже ныне от запустения и поругания воста, идеже и святыя мочи твоя яко многоценное сокровище во храме тобою созданном обретошася. Темже, предстояще сей святыни, усердно молим тя, достолаженне отче: помози нам достолажное почитание Всечестнаго Креста Христова имети, благодарение сердечное за ны распеншемуся Христу Богу выну приносить, воскресения надежду и упование спасения к Тому простирати и, крест жития своего вземше, путем Господним шествовати. Иночествующих сподоби подвигом добрым подвизатися и всем верным испроси: в заповедех Божиих хождение, добродетелей исполнение и Царствия Небеснаго присвоение, идеже вси святии непрестанно воспевают Всесвятую Троицу, Отца и Сына и Святаго Духа, ныне и присно и во веки веков. **Аминь.**